

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS

manè discutienda, in Scholis Medicorum, die Jovis septimâ
Januarii anni M. DCC. XXXIV.

M. HYACINTHO-THEODORO BARON, *Filio,*
Doctore Medico, Præsidente. *Auctore.*

*An solvendis pertinacibus Sanguinis in Cerebro Congestionibus
Jugularis Vena Sectio?*

I.

PRÆSENTISSIMUM in morbis omnibus, præsertim in acutis, auxilium, Sanguiniseductio. Morborum fecundissima parens Plethora, vel lautior victu, vel suppressis Evacuacionibus inducta, mittendi sanguinis necessitate arguit: Naturâ monstrante viam, sive dum salutaribus sibi prospicit Hæmorrhagiis, sive dum ipsâ commonet, ut sanguini periculosius erumpenti tutior pareatur exitus. Nec soli removendæ Plenitudinæ accommodatam sanguinis missionem putes. Congestionibus dissolvendis, discutiendis inflammationibus frequens & repetita juvat. Sæpius in mittendo sanguine ultra modum progredi salutare est. Pungens torquet Plevritis? suffocans urget Angina? æstuat continuæ Febris assiduus ardor? tunc coriacea hæret in Capillaribus sanguinis inflammati compages, quam vix perdomabis nisi corpus exangue reddideris. At in chronicis chirurgi temperanda manus; cum à partis alicujus vitio plerumque dependeat, vel à corporis cacochymia, Sanguinis missione pluries repetita, non emendabili. Porro Sanguinis educendi non unica ratio. Modò cutem profundius scarificando, immò ventosâ desuper fugente Cucurbitâ, trahitur etiam nimis crudeliter. Modò delicatioribus applicata partibus Hirudo, Sanguinem avido ore fugit. Est ubi arteriæ ossibus & cuti adrepentes, quæ facilius ideo sectioni subjacent, & sectæ feliciter comprimuntur, ut in fronte, temporibus, pone aurículas aperte, salientem & rutilum demittunt sanguinem cum levamine. Demum majores venarum rami, quâ prodeunt extimius, intercepto per ligaturam sanguine tumentes, scalpello feriuntur, per fasciam leviter comprimentem, educto sanguine, præcludendi. Hæc omnes, vel in primis Medicinæ temporibus, mittendi sanguinis adhibere sunt Encheireses, & usque diem adhibentur, prævalente tamen vena sectionis usu. In fronte, temporibus, pone aures, in oculorum angulo, sub lingua, in jugulo, pectore, cubito, manu, poplite, pedibus, secuerunt venas Medici veteres, earum, ratione partis agrotantis, habito delectu, quem dirigebat observatio præjudicii adulterata, potiusquàm venarum distributionis, motusque sanguinis adæquata cognitio. In brachio, pede, & jugulo, vix alibi, hodie tunditur vena. In cervice, jugularis externa; in brachio, cephalica, cubitalis & media; in pede, saphæna omnium instar sufficiunt. Has pauciores venas, respectu partium agrotantium quibus respondent,

A

prudenter deligere summus est Medice labor: earum sectionem diversis visceribus affectis appositè præscribere, variis morborum temporibus aptare sapienter, summa Medici laus est atque perfectio. Qui venæ sectionis ope morbis adversari satigit, is ad venarum delectum imprimis attendere debet, cujus utilitas, veteribus, sanguinis circulationem ignorantibus, experimentis innotuit: cujus necessitas, detecto nunc sanguinis circulari motu; abundè patet. Vacuandæ soli plethoræ non parum interest quam secueris venam; quanto magis, si urgeat partis alicujus inflammatio, aut tenaciùs hæreat alicubi dimovendus humor. Ut medicamentorum salutaris usus à prudentis Medici delectu & opportuna administratione omnino dependet, siæ & venæ sectionis effectus, pro circumstantiarum ætatis, temperamenti, plenitudinis, visceris affecti varietate, plurimùm variables, sapienter dirigi postulant. Utinam, in determinando venæ sectionis delectu, præclarum istud circulationis inventum, & apprimè cognita vasorum ramificatio, desideratam attulissent certitudinis normam! Sed huic delectui perficiendo, non satis est vasorum exortum, progressus, diametros, communicationes cognoscere, non satis est solerti caleulo, sapiùs fallaci, ea quæ vulgaribus machinis accidunt ad corpus humanum transferre. Solus equidem sectioni subsiciendam rectè deliget venam, qui vasorum distributiones sagaci scalpello persecutus est, solus qui legum hydrolicarum apprimè gnarus est; malè verò qui ad hæc leges, hancque distributionem attenderit tantummodò. Peculiaris quædam est corporis humani fabrica, peculiaris est in eo fluidorum circulantium natura, peculiare sunt in illius liquoribus fluendi leges, quas rimari, observare, scrutari necessum est. Sic præjudiciorum exutà labe intelliges, eam esse, in removendis infarctibus, venæ sectionis administrandæ rationem, ut imprimis majora vasa vacuentur. Depletis enim majoribus vasis, liquores in Capillaribus ingurgitati ad ea conflunt; sin minus, secta ipsius partis affectæ venâ, potentiùs eliminantur. Illius namque venæ sectio demoliendis pertinacibus cujuslibet partis obstructionibus accommodatissima est, quâ sanguis infarctus ex ipsâ parte deducitur.

I. L.

TRIPLEX venæ Sectionis effectum agnovit, sedula naturæ observatrix, Antiquitas; incisa nempe venâ, è corpore vacuatur sanguis, vel eam in distanti loco venâ, à morbi sede revellitur, vel ex ipsâ parte derivatur foras. Evacuatiorem, & revulsionem admiserunt etiam subtiliores Physicæ principii additi Medici recentiores: id cuilibet venæ sectioni tribuentes; ut dum è corpore sanguinem evacuat, majorem simul fluidi copiam adducat, seu, ut aiunt, derivet in partem, ubi vulnus inflictum venæ resistantiam sustulit, & ex oppositâ pari quantitate revellat. Triplex illa venæ sectionis operatio dissimilis, veteres impulit, ut in venarum delectu, remotam à parte affectâ primò runderent venam, & ex ipsâ postmodum parte derivando, sanguinem educerent; nisi forte affluentis humoris copia, aut congesti fluiditas à summo loco ordiri suaderet. Recentiores contra revulsioni omnino insistentes, sanguinem ex ipsâ parte mittere, venamque ipsi quocumque modo respondentem percutere, periculi plenum esse statuerunt. Veterum observationem non illustraverat ignotus tunc temporis sanguinis circularis motus. Recentiores plurimùm occupavit ingens; quam cognita circulatio in medicinam intulit, ratiocinandi cupiditas. Sed corpus humanum & si constet vasculis & humoribus ea præterfluentibus, ipsius tamen, ac hydrolicæ vulgaris artificii machinæ, longe alia ratio est. Illius vasorum figura & flexibilitas, eorundem capillaris tenuitas, diversæ pro diversis partibus distributiones, plicaturæ, dispositiones, virium motricium diversæ & multiplices potentia, fluentis humoris substantia dissimilis, diversus in singulis corporis cavitatibus fluidorum motus, non vulgarem demonstrant in sanguine circulandi modum, non vulgaribus adstrictum legibus. Ne putes igitur te misso ex oppositâ parte sanguine, affectam partem revulsionis ope sublevarum esse. Qui fuit in inferiori parte sanguis, per venæ commissuram profilit, nec ideo commovetur lætens in superiore fluidum. Non sic in hominum corporibus obsequitur fluidorum

motus. Hoc impedit tubulorum capillatium, quibus componuntur, singularis proprietas, qui invitis veluti legibus mechanicis contentum liquorem avidè retinet: verat liquoris per vasa fluentis glutinosa crassities, quæ impressæ determinationi non facillè obtemperat; prohibet major pletumque humorum copia, quæ libero fluidorum motui moras & impedimenta necit. Sed in corporibus agris quanto magis anomalæ sunt motus fluidorum leges? Lubet considerare vasa cretissimo constricta, quæ præterfluens liquidum fortiter retinent, aut appellenti denegant aditum; alibi nimium laxata, fluidorum stagnationi ansam præbent. Hic tenacior hæret in vasis humorum substantia, vix dimovenda; illuc copiosiori humore faginata turgent viscera. Crediscne sic se habente corporis machinâ, te, venæ sectionis ope, sanguinem quod volueris esse determinaturum, unde liberit revocaturum? Minimè. Ut corpora cum quis purgare voluerit, oportet fluida reddere, sic mobilis fiat humor necessum est, priusquam specificâ venæ sectione dimoveatur. Nec reformidanda ea est venæ sectionis adscripta proprietas, ne scilicet partem in quâ celebratur, majori gravet appellentis uberius copiâ sanguinis. Si cum alliciat inducta minor, per solutam venæ continuitatem, resistentia, pari proportionē vacuatur foras, cum major ipsius appulsus non aliunde quàm ex ipsâ vacuatione procedat & astimetur. Neque ex illo uberiori appulsu, nimium sanguinis in arteriam venæ respondentem, illiusque laterales furculos allici, & ex oppositâ parte plurimum revelli rectè concluderes. Quin immò minorem in apertâ venâ resistentiam offendens liquor, ex vicinioribus arteriis collateralibus scilicet subriperet, apertum ramum ingressurus, eâ quâ appellit proportionē, foras dimittendus. Quid esset consilii, ad affectam partem sublevandam auxilium adhibere, quo pars sana agrotaret atque laderetur? Sed ne minorem quidem fluenti sanguini resistentiam offert soluta venæ continuitas. Fluenti per venas ad cordis cavum patet eruiori liberior via, quàm per inflictum vulnus erumpenti. Hoc efficit, venæ sectionis comes, firmior ligatura, membri venas ad turgescentiam stuporemque comprimens. Et ideo tantum per aperturam venæ profluit humor, quia intercepto per ligaturam illius refluxu, huc vergere cogitur, quod datur exitus. Sublato quippe ligaturæ vinculo, subsistit cruor, patenteriores permans facilius plurimum venarum alveos, quàm strictiorem pertransiens unius venæ aperturam. Commentitia sunt igitur istius derivationis pericula, fictitia sunt revulsionis commoda. Non alia est sanguinis ad partem apertæ venæ oppositam appellentis imminutio, quàm quæ, evacuato sanguine, omnibus corporis partibus equaliter competit. Vix intra venæ sectionis tempus, ejus limites non potest transgredi derivationis & revulsionis actio, venæ sectionis persentiuntur effectus, aut si quæ contingant, evacuationi tribuendum. Majora tantum vasa primariò deplet venæ sectio: id patet ex eo quod in doloribus inflammationibusque, non subitanea sit venæ sectionis utilitas, sed hæc paulatim percipiatur, quâ proportionē scilicet, in depleta majora vasa, minora contentum & hærentem evomunt cruorem. Hinc resplendet venæ sectionis, ad animi deliquium à veteribus celebrata, præstantia. Per tempus enim quasi interrupto, propter vasorum inanitionem, sanguinis circulo, è capillaribus vasis ingurgitatus humor confluit copiosius, vacua majorum refarciturus. Non ad extremos usque vasorum fines protenditur subito venæ sectionis effectus, ut hærentem ibi humorem revellat, aut fluentem, derivando, congerat. Qui diversæ venæ sectionis varias operationes expensurus est, ad venas, quarum sanguis educitur, attendere debet, de arteriis ipsis respondentibus parum sollicitus, eò magis quod, per inextirpabilem venarum cum arteriis communicationem, ignotis legibus adstringatur sanguinis motus. Porro incisa quilibet venâ, pars sanguinis ad cor remeantis intercepta subtrahitur, & hæc venâ, ad thalamum usque cordis, magis vacua remanet. Hoc nititur principio tota venæ sectionis administrandæ ratio. Namque acceptum minore copiâ sanguinem, minore copiâ in singulas distribuit partes cordis anthia; & aliunde ad inanitam sanguinis missione venam, per venas huic inbiantes, fluunt è visceribus collaterales sanguinis rivuli, eaque peculiariter exonerant. Unicum igitur agnoscimus.

4

venæ sectionis effectum, Evacuationem, quæ vel toti corpori communis est, vel alicui parti, aut cavitati propria. Nec si unica sit venæ sectionis actio, ideo negligendus venarum delectus. In assignando generalis evacuationis usus, in decernendâ sanguinis ex ipsâ parte affectâ mittendi opportunitate, in designandâ venâ, cujus sectione alterutrum attigeris scopum, exquisitori semper erit opus prudentiâ. Sux sunt evacuationi generali, sua sunt & particulati occasiones, modi, tempora. Num redundantem cogitas mittere sanguinem? num instat & urget, à cuiuscumque partis infarctu, gravior affectus? Cave ne saphenæ, aut jugularis venæ sectionis periculosa maturatio metuendas in visceribus adjacentibus suscitet turbas, & minùs nocitutam alioqui plethoram funestè commoveat. Immaturè depletis in morborum principio viscerum venis, male sequitur ut plurimum nimis intricatus humor, & concidentibus vasis, concidit ipse liquorum motus: vel dum frustra sese commovere nititur crassius fluidum, ingurgitat amplius. Incunte morbo venas in brachio tundere proderit, non quoddam facilius & minore apparatu, sed quia tutius. Ea si quidem est, in evacuando pondeant communicentque partibus, male fluentes intra delicatiorum nobiliorum partium substantiam non commoveat succos; sed breviorè viâ, & absque tumultu nimiam cordi subripiat fluidi copiam. Num, pluries sic missio sanguine, restat interea pertinax Congestio? tunc generali corporis evacuationi, peculiaris partis affectæ evacuatio opportunè succedet.

I I I.

CEREBRI mollis delicatiorque compages, solidior quæ cerebrum obvolvitur ossium coagmentatio, sunt equidem sagacis naturæ & sublime quid cogitantis opera. Tenuem spirituum aërem à sanguine separare sagax, molle, quo retunderetur humorum vis, opposuit viscus, exilissimis compactum tubulis, qui spiritaliter transmittentur halitum. Artificiosam hanc cerebri molliem protegit ossa calvarie durities, tum transmittendis sanguiferis canalibus, tum dimittendis spirituum scaturigimbus, opportunis pervia foraminibus. Eximium istud artificium non expers discriminis. Si extus plura declinantur, plura imminet intus animæ domicilio pericula. Ut cæteris partibus, sic cerebro sui sunt, ex structurâ pullulantes morbi, eò deteriores, quod ipso affecto, perturbentur motus, sensus, vitæque ipsius purissimi fontes. Dura præque Menyngis, quibus involvitur penetraturque cerebrum, firmior tensio, exquisitiorque sensus: hanc illamque membranam preperantia vasa arteriarum carotidum & vertebralium numerosa ramificatio, corticalem medullarumque substantiam ubique pertrans: sinuum revehendo sanguini destinatorum amplior alveus: excipiendæ serosæ colluviei destinatæ ventriculorum cavitates: variae diversæ generis prominentiæ, nervorum veluti parentes: plexus choroidei elegans tenuitas & mirabile rete: nervorum nascentium dispositiones, tractus, exitus è cranio, involucria à menyngibus propagata; hæc omnia, intricatam licet, cerebri fabricam perscrutanti totidem deprehenduntur, vel crudelium morborum sedes, vel urgentium symptomatum causæ. Multiplices nobilissimi visceris affectus, ab infarcto congestoque in illius vasa sanguine, non malè resumens. Si turgat in menyngum vasculis sanguis uberior, jam satis extensus dum tendit ulteriùs sensibilis membrane fibrillas, eas distrahit, & lancinantes, pungentes, aut pulsantes suscitât immanis cephalalgiae dolores: quibus modò pars aliqua capitis, modò miserè torquetur universum ac veluti laceratur, ad alias interim corporis partes, per membranaea nervorum involucria, serpente nonnumquam irritationis stimulo. Si nervum opticum stipantes arteriola, vel ex quâ ad aurium speluncas propagantur, nimio turgentibus sanguine, validius & frequentius oscillent; perturbato spirituum motu, vertiginem & aurium tinnitum ac susurros excitant. Si sanguinis in menyngibus & cinereâ cerebri substantiâ congestionem comitetur febris ac inflammatio; jam perversâ spirituum secretionem, ipsorumque concitato motu, pro diverso morbi gradu, pertinaciter vigilat, aut perturbato sopore fatigatur agrotans, phreniticus delirat, furit,

convulsivis motibus agitur. Nec alia est affectibus soporosis origo, quàm quòd congelto sanguine tumentia nimium corticalis substantiæ vascula, secretoria spiritus animalis organa plus minùve comprimendo, vivificum ipsius præpediunt influxum, pluresque mortis adumbrant imagines. Hic, de cætero valens, scgni obruitur somnolentiâ; ille sensu motu & memoriâ privatus, accedente febre, gravi premitur lethargo. Alter continuo indulgens somno, vixque clamore aut punctiione expergefactus iterum obdormiens, somnolento laborat conate. Alius vigili comate torquetur, dum ineluctabili ad somnum propensione ineluctabilis jungitur vigilia, si mitius premat vasorum congestio, eaque spirituum propagationi oscillatione suâ famulentur. Nihil aliud quàm vasa medullari cerebri substantiæ inrertexta, congelto sanguine si turgent, omnimodam inducunt sensus motusque, cum febre & lletore privationem, apoplexiam: difficile medicabilem, si levior, à solâ nervorum per vasa compressione germinet, curabilem numquam, si fortis, ab effuso ex tumidioribus vasis, & inundante nervorum primordia sanguine vel sero producat. Quid nervorum resolutionem, apoplexiæ fidelem affectum, inducit? nisi sanguinis ad vasa congestio, nervorum originem hac aut in illâ parte, medullamque oblongatam, spinalemve comprimens; unde cæcitas, aphonia, surditas, hemiplegia, vel completa funesctè sobolescent. Quid aliud incubus? quàm levior cerebelli congestio, quæ spirituum ad partes vitales inercipiens fluxum, grave pondus æmulantem suscitât præcordiorum angustiam, & spectri incumbentis imagine scititiâ mentem deludit. Unde-nam repeti debent stupenda catalepticorum immobilitas, enormes epilepticorum spumantium, seseque miris modis contorquentium motus? unde-nam perversæ melancholicorum cogitationes, furibunda maniacorum deliramenta & robur formidabile? unde-nam numerosa spasmodicorum affectuum familia? nisi à perverso aut impedito per cerebri vasa sanguinis motu, ipsiusque congestione, quam sequitur crurior ibi stagnantis corruptio, & acrioris feri in nervos depluentis exsudatio. Illam saltem congestionem herculeos hosce affectus produxisse patet, tum ex causis eorum antecedentibus, curis, sollicitudinibus, studio contentiori, ebrietate, vehementibus animi pathematis, quæ omnes sanguinem ad cerebrum majori copiâ determinant, tum ex gravativo his in morbis capitis dolore, tum ex anatomicâ Cadaverum exploratione demonstratur. Sic plures gravissimos affectus suscitât sanguinis in capite congestio, eò frequentior in hac parte, quòd vasa, cranium dum subeunt, exteriorem membranam exuant, minùsque dein appellenti fluido-resistant; eò funestior, quòd dilatata nimium vasa; cranium cedere nescio coarctata, urgeant valentiori compressione cerebrum. Tot symptomatum pertinacem causam longius amovere si cupias, & laboranti cerebro efficaciter succurrere, proderit venam in jugulo tundere; hujus quippe venæ sectio pertinaciter infarctum in cerebro sanguinem evacuat.

IV.

MULTIPLICI de causâ accidere potest infarctus in cerebro: modò crassior sanguis & malè subactus in hujus visceris capillaribus hæret, nec cā per venas proportionem fluit, quā vehitur arteriis. Interdum, spasmò constrictis cerebri membranis, difficile progrediens aggeritur humor. Aliarum quandoque partium vitio laborat cerebrum, dum nempe per impedita Abdominis viscera vix prætergrediens purpureus latex, ad capitis arterias refluit, ibi congerendus; vel intra pulmonum vasa ægrè admissus, in venis à cerebro reducibus cumulat, mox recensitas editurus strages; brevique, pro acceptis à viscerum refluxo sanguine periculis, cohibito aut perverso spirituum influxu, redduntur pericula. His ut medearis affectibus, venæ sectione nullum efficacius remedium. Hæc ita administranda est, ut, si ex consensu partis alicujus ingurgitate doleat caput, primò per affectam partem liber restituatur fluidorum motus. In brachio celebrata curationem feliciter auspiciabitur venæ sectio, quâ scilicet placidè majora corporis inaniuntur vasa, ut in ea faciliùs evomant Capillaria sanguinem, quo nimium turgent. Immo totam fortè paginam adimplebit hæc cadem, sæpius repetita, si ex pulmonum infarctu congeratur in cerebro fluidum,

nulla quippe venæ sectio majorem statim dextro cordis ventriculo, pulmonibusque subtrahit sanguinis copiam; cum ab ipsis pulmonum venis sanguinem ducere non concedatur. Peculiarem à dextro cordis ventriculo ad sinistram, per pneumaticum illud organum, cruoris circulationem, non-nisi totum corpus potentiùs evacuando licet attingere. Exonerando capiti sua erit & saphenæ sectioni utilitas eximia. Non quidem ut sanguinem ad inferiores partes copiosius determinando, illum, majori impetu propulsum superius, revellat à cerebro; quin è contra, si malè fluentibus succis infarciantur Abdominis viscera, educto per saphenam sanguine, minor ad cavæ venæ truncum inferiorem fluit copia sanguinis, cujus ut reparetur penuria, à visceribus nimium turgidis confluunt liquores, sicque sublatis in Abdomine sanguinis motus impedimentis, jam ille non refluat ad cerebrum. Verùm si probè vacuato corpore, si restituto per viscera & præcordia sanguinis libero motu, non ideo recedant nata ex cerebri congestione symptomata; tunc pertinax infarctus, sectâ jugulari venâ, aggrediendus est. Sæpè licet nec sanguis uberior feratur ad cerebrum, nec jam tenaciùs hæreat in tubulis; ex nimia tamen, quæ præcesserit distensione, ultra tonum expansi firmiori membranâ carentes in cerebro tubuli, varicosi quodammodo remanent, & resiliere, & congestum humorem exprimere impares. Supra modum dilatati duræ menyngis sinus crassum & malè fluentem continent sanguinem, qui non-nisi aperto in ipsâ parte faciliiori exitu evacua-bitur. Porro jugularis vena utrimque duplex. Interna, sinui duræ menyngis laterali ad foramen cranii laciniatum inserta, reducem à cerebro sanguinem excipit, & ad trachæe latus delitescens progreditur deorsum. Exterior capillamentis suis carotidi externæ continua, cutaneo colli musculo subiecta descendit à capite, & ambæ simul concurrentes in subclaviam venam terminantur. Utraque ad maxillæ inferioris angulum crasso & breviori ramo, aliisque pluribus ramusculis invicem faciliè communicant: hinc missò à jugulari externâ sanguine, evacuationis effectum perferunt ipsâ jugularis interior. Dum enim manat ex inflicto vulnere in externâ jugulari contentus humor, per mutæ communicationis ramos, fluit ex internâ stagnans in latiore sinuum alveo fluidum: inanitis sinibus, confluit venis tenuioribus ingurgitatus humor, & ultra modum expansus debilior vasorum cerebri tonus resilit exonerato vase. Aliunde ducto à jugulari venâ exteriori sanguine, minor tunc communi jugularium trunco, aut subclaviæ venæ supeditatur fluidi copia, unde minorem ibi resistentiam nactus è jugulari internâ prorumpens humor, jam copiosius affluit à cerebro, productum evacuatione vacuum refarciturus. Sic duplici modo congestus in capite vacuatur cruor, & eclipsim passâ resplendescit iterum cerebri functio. In hac administrandâ venæ sectione naturæ vestigiis tutus incedes. Hæc nimio congesti sanguinis gravata pondere, illum ex ipsâ parte sæpiùs evacuat, manifestò cum levamine. Pulsat in capite gravativus dolor, rubore splendescit facies, deliriat, obscurdescit æger: stillante per nares sanguine judicatur morbus. Cruore ad pectus congesto, urget pleuriticum dolor acutissimus, peripneumoniâ decumbens suffocationi proximusest? prorumpente sanguinis spuro sublevantur ambo. Dolent hypochondria tumescunt, anxius jactatur ægrotans? ruptis hæmorrhoidibus mitius habet. Premittit in fœminis lumborum dolor & gravitas, colici perferuntur motus? fluentibus menstruis omnia sedantur. Hæc naturæ vegetioris, seseque expedientis molimina totidem, in mittendo sanguine, imitanda nobis proponuntur exempla. Hæc ad apericiendam proximam partis affectæ venam animos addunt, cum planè demonstrant hac viâ dissolvi congestiones, nedum majori allecâ sanguinis mole pars infarciatur amplius. Nec sanè deerit successus felicitas, spondente experientiâ artis naturæ suis operibus emulantis. Proximi vasis ab Hippocrate imperata sectio, dolentri parti inflicta scarificationes, applicatæ cucurbitulæ, linguæ & gutturis infarctibus præscripta ramularum apertio, ad moræ partibus ingurgitatis hirudines, incisæ feliciter paralitici membri vena, nostris temporibus celebrata laborantis oculi phlebotomia, aut vasculorum tunicam conjunctivam perreptantium artificiosa laceratio, totidem

7

sunt à naturâ indicatæ partis affectæ vacuationes, quarum utilitatem consecravit usus. Nec dissimilis erit jugularis venæ sectionis, ut in operando modus, sic & in medendo efficacia. Hæc capiti proxima pertinaciter stagnantem in eo sanguinem evacuat potentius.

V.

INTER morbos quibus jugularis venæ sectio decernitur, febres malignas merito recensetis, quarum symptomata, à congesto in cerebri vasa sanguine, sobolescent. At non te alienet malignitatis vocabulum, usitatum fortè frequentius, non ideo protus ablegandum. Non enim inutilis est morborum in benignos & malignos à veteribus prolata distinctio. Fit interdum ut, simulatâ benignitate, levius producat symptomata morbus, cum tamen sit gravissimus & periculosissimus. Aliquid reale est febrium quatumdam malignitas, summâ Medici attentione dignoscenda: eò magis reformidandus hostis, quò primâ fronte mitior apparet, crudelem in posterum catastrophæ editurus. Equidem in suscitandis Febrium motibus is est naturæ mechanismus excellentior, ut qui hærens in aliquâ parte, aut refluus in sanguinem humor, conjunctam febrili perturbationi causam suppeditat, eorum quos excitavit motuum ope digeratur, attenuetur, sponte foras eliminetur, vel Medici naturam speculantis, & concocta medicantis artificio facile vacuetur. Sic sæpe benignioris morbus indolis, sua decurrit salubriter tempora. At naturæ conatus intercepti quandoque symptomatum dissimulata ferocitas, & quos salutarem in finem instituit natura motus, suffocat, aut in petniciem detorquet. Si nempe in cerebri vasa congeratur humor. Tunc enim compressis nervis, impeditoque spirituum influxu, sibi ipsi vites malignius præscindere videtur febris. Hinc mitioris affectûs species inducitur. Incauto struit insidias medico pulsus debilior, nec admodum frequens, urinæque non illauidabilis. Fallax virium prostratio venæ sectionem dehortatur malè suada. Capitis gravitas, obtususque dolor urgens non ostentant periculum. Mox, crescente morbo, sequitur corporis & animi maxima defectio, sicior est lingua, arefcunt fauces, vigilia pertinax, somnuse insubribis ægrum debilitant amplius, malè coherencia loquitur, subsulant tendines, delirat, ingenti capitis dolore, vel quod pejus est, nullo vexatus. His in febribus venæ sectio inter morbi initia frequentius iteranda est, non obstantibus simulatâ symptomatum mansuetudine, nec prostratione virium; illæ quiniò missò sanguine reviviscunt, & evacuatâ sanguinis nervos comprimentis mole, resurgunt vegetius. At licet in cerebro potissimum morbi tragædia peragi videatur, non soli capiti consulendum. Abdomen in cerebri morbis peculiari attentione prosequendum. Intimior viget inter utrumque consensus. Difficile in Abdominis viscera progrediens sanguis cerebri vasa copiosius impetit. Id frequenter observatus in Hyftricis Hypochondriacisque affectibus, in quibus, dum spasticis constrictioibus arctantur in Abdomine uteri aliarumve partium vasa, ascendens ad caput ex imis visceribus percipitur calidior aura, sensibus & cerebro perturbationem inducens, totamque faciem flammeo rubore suffundens. Sed eò plura ex abdomine regurgitant in cerebrum, cum refluxu sanguine pericula, quòd illud totius corporis sentina & inquinamentorum receptaculum, succorum stagnationi valdè sit obnoxium. Per mollem & teneram illius viscerum compagem, per vasa flaxidiori mesenterii adminiculo suffulta, per glandularum in eo dispersarum debiliorem texturam, per vasa plurimi generis succos lentescences sæpius malè digestos vchentia, segnius propulsi liquores ingurgitantur facili; sensim sine sensu cumulantur, parum tenente vasorum huc illuc fluctuantium tono; sicque conglutiorum in cerebro foventur primordia. Hinc plerumque crapulam excipit Apoplexia, quam ingens, per superiora & inferiora, humorum stagnantium ex abdomine subducta coluvies mistice sublevar. Nec ab simili ratione in febribus malignis, alvum, decocto cassiâ, stimulantibus aliquot tartari stibiati granis, sollicitare, fluidamque continere proderit: ut scilicet in intestina confluentibus intra Mesenterii vasa congestis liquoribus, liber restituantur in abdomine Sanguinis motus. Eundem adimplebit scopum Saphenæ sectio, quæ saginata inanienti viscerum, capitis exonerationi consulit. Tandemque si pertinacior Cerebri non cesset,

ferit congestio, apertâ jugulari venâ, missoque ex ipsâ parte sanguine, prorumpet felicîus ingurgitatur humor. Atque etiam in eligendâ alterutrius lateris jugulari venâ hoc notandum est, quod si obtusior doloris sensus, majorque capitis gravitas, & virium dejectio, congestio sanguine, medullarem Cerebri substantiam, nervorumque principia comprimi designent, jugularem sinistram percutere satius sit: si magis acutus dolor, alacrior pulsus, aliaque vividiora Symptomata corticalem substantiam, membranaeque potissimum affici demonstrent, è jugulari dextrâ sanguinem mittere proderit. Docet nimirum Anatomica capitis inspectio sinus duræ Menyngis laterales, jugularibus venis insitos, dextrorsum quidem, ex longitudinali superiore sinu, ab exterioribus cerebri plagis sanguinem accipere; dum sinus longitudinalis inferior, & ille qui Torcular appellatur, ex intimis, inferioribusque Cerebri partibus, in lateralem sinistram revelant sanguinem. Hinc hujus aut illius jugularis venæ sectio, in hac aut in illâ cerebri parte congestum cruorem, ut rectiore viâ, sic detrahit efficacius. Ipsius saphenæ sectio, in resolvendis viscerum abdominis, adjacensque partium infarctibus, præstantia, quid valeat in cerebri congestionibus sectio jugularis venæ aperte declarat. Illa quidem prudentius adhibita, humoribusque, præmissis aliis evacuationibus, ad fluendum dispositis, per inferiorem venæ cavæ truncum remeantis ad cor sanguinis partem dum subripit, huc confluentes, nimium turgidas, vicinatarum partium venas peculiariter exhaurit. Quoties hoc mechanismo tumidus à stagnantibus succis detumuit venter, pertinax evanuit Hæmorrhoidum distensio, colicæ Hæmorrhoidalis, ab ingurgitatâ Splenico-hæmorrhoidali venâ prognatæ, sedata crudelitas? quoties renibus Nephritide contractis reddita tranquillitas, interceptus urinæ fluxus redintegratur, ingurgitatum hepar reseratum est? quoties Ischiaticus dolor, sectâ in eodem latere pedis venâ, contigit? quoties, per opportunam saphenæ sectionem, congesto ad uterum subducto sanguine, enormis passionis Hystericæ Paroxysmus concidit? quoties ægrîus exsudante menstruorum lochiorumve fluxu, laudabilem provocavit evacuationem hæc ipsâ saphenæ sectio. Nec sanè majorem sanguinis alliciendo copiam, sed nimiam è majoribus vasis minora comprimementibus, effluxumque remorantibus, evacuando profuit. Cohibitis mensibus aut lochiis, jam satis cumulatæ in uteri vasis humor, nec uberius, nec majori impetu determinari indiget ut erumpat. Balneis, emollientibus, tempestivâ saphenæ sectione, aliisque partem nimium ingurgitatam laxantibus, infartus cruor promovetur plerumque felicîus, quàm fortioribus emmenagogis, discutiendo humorum lentori relegandis. Ne credas colicos dolores, hanc saphenæ sectionem comitantes, ex uberiori sanguinis ad uterum appulsu prokisei. Hi, cum ultra venæ sectionis tempus uterum excrucient, sunt potius infarti sanguinis sese commoventis & fluere saragentis molimina. Brachii venarum sectio, quæ id tantum cum saphenæ sectione commune habet, ut majora inaniat vasa, pares suscitât dolores, suppresto prius, feliciter subsequente fluxu. Sic resplendescit evacuationis præstantia, longè efficacior, cum prudenter in ipsâ parte affectâ celebratur.

*Ergo solvendis pertinacibus Sanguinis in Cerebro Congestionibus
Jugularis Vena Sectio.*

DOMINI DOCTORES DISPUTATURI.

*M. Otto - Casimirus Bar-
sekechr.*

M. Michael Peaget.

*M. Thomas - Bernardus
Bertrand, Scholarum Pro-
fessor.*

*M. Robertus - Hubertus
Linguet.*

M. Nicolaus le Tellier.

M. Egidius Adam.

*M. Achilles - Franciscus
Fontaine.*

M. Petrus Assorty.

*M. Camillus Falconet, sa-
lubris Regii Consilii So-
cius, & è Regiâ Numis-
matum Academiâ.*

Proponebat Parisiis JACOBUS-ALBERTUS HAZON,
Parisiinus, Baccalaureus Medicus, A. R. S. H. 1734.
à sextâ ad meridiem.